



Broj: 04-30-11-361/23  
Sarajevo, 22.02.2023. godine

**ZASTUPNIČKI/PREDSTAVNIČKI DOM  
PARLAMENTA FEDERACIJE BiH**  
n/r Tajnika/Sekretara  
Hamdije Kreševljakovića 3  
71000 Sarajevo

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primijeno: 27-02-2023			
Org. jed.	Broj	Priloga	Vrijednost
0511	-02-	47	123

**Predmet:** Haris Silajdžić -zastupničko pitanje, odgovor - *dostavlja se*  
Veza: Vaš akt broj: 05/1-02-47/23 od 20.02.2023. godine

Temeljem članka 11. Poslovnika Zastupničkog doma Parlamenta Federacije BiH („Službene novine Federacije BiH, broj: 69/07, 2/08 i 26/20), zastupnik Haris Silajdžić postavio je zastupničko pitanje vezano za eksterne premještaje u državnoj službi u skladu sa člankom 36. Zakona o državnoj službi Federacije Bosne i Hercegovine, koje glasi:

- „1. *Koliko je eksternih premještaja izvršeno u državnoj službi Federacije Bosne i Hercegovine u periodu od prethodne 4 godine?*
2. *Kojim državnim službama su dodijeljeni najveći broj eksternih premještaja i koji su razlozi zbog kojih je ta mogućnost upotrijebljena, te zbog čega se u im slučajevima nisu koristili javni konkursi za zapošljavanje, s obzirom da je stopa nezaposlenosti u Federaciji Bosne i Hercegovine visoka?“*

U skladu s odredbama članka 116. stavak 2. navedenog Poslovnika, dostavljamo sljedeći odgovor.

Odredbama članka 35. a) Zakona o državnoj službi u Federaciji Bosne i Hercegovine („Službene novine Federacije BiH”, broj: 29/03, 23/04, 39/04, 54/04, 67/05, 8/06 i 4/12, 99/15 i 9/17 - Presuda Ustavnog suda Federacije Bosne i Hercegovine broj U - 13/16) (u daljem tekstu: Zakona) propisan je postupak **eksternog premještaja** i raspoređivanja državnog službenika iz organa državne službe u instituciju Bosne i Hercegovine u slučaju kada je obrazovana nova institucija Bosne i Hercegovine po osnovu prijenosa nadležnosti s Federacije BiH na Bosnu i Hercegovinu ili kada Bosna i Hercegovina, u skladu s Ustavnom, preuzme nadležnosti koje je do tada obavljala Federacija Bosne i Hercegovine.

Odredbama stavka 2. istoga članka propisano je da se postupak prijema u radni odnos putem eksternog premještaja može urediti zakonom Bosne i Hercegovine. Kada se postupkom prijema u radni odnos, provedenim po osnovu zakona Bosne i Hercegovine, ne osigura dovoljan broj kandidata za premještaj iz Federacije BiH u instituciju Bosne i Hercegovine, organ državne službe predlaže rukovoditelju institucije Bosne i Hercegovine da organ državne službe rasporedi državnog službenika odnosno službenike u tu instituciju.



Shodno navedenim zakonskim odredbama, proizlazi da se eksterni premještaj odnosi na premještaja državnog službenika iz organa državne službe Federacije BiH odnosno njegovo raspoređivanje u instituciju Bosne i Hercegovine o kojemu odlučuju rukovoditelji organa. U slučaju da državni službenik ne prihvati radno mjesto na koje se raspoređuje Agencija za državnu službu Federacije BiH, na prijedlog organa državne službe (FBiH), državnog službenika proglašava prekobrojnim.

Članak 36. Zakona, u skladu s kojim zastupnik traži dostavu podataka o eksternim premještajima, uređuje pitanje **Prekobrojnosti, koje nastaje isključivo kao posljedica reorganizacije, smanjenja opsega poslova organa državne službe ili njegovog ukidanja.**

U prethodnom periodu od 4 godine nisu evidentirani slučajevi prekobrojnosti.

Međutim, Uredbom o sadržaju i načinu vođenja Registra zaposlenih u organima državne službe u Federaciji BiH („Službene novine Federacije BiH“, broj: 51/20), utvrđuje se sadržaj i način vođenja podataka u Registru, kao i zaštita dostupnosti podataka. Shodno tome, želimo obavijestiti Vas da Agencija raspolaže, između ostalog, podacima o broju **internih premještaja državnih službenika** (premještaji u okviru istog organa državne službe Federacije BiH) i broju **sporazumnih preuzimanja** (preuzimanja državnih službenika između 2 organa državne službe iste razine vlasti), te u slučaju potrebe, može dostaviti tu vrstu analitičkih podataka.

S poštovanjem,

**DIREKTOR**  
**Refik Begić, magistar uprave**

Dostaviti:

1. Naslovu,
2. a/a